



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**

**UPUTSTVO**

*utroška sredstava Budžeta Zeničko-dobojskog kantona  
za podsticanje jesenje sjetve za 2022. godinu*

**Zenica, septembar 2022. godine**

Na osnovu člana 56. stav 2. i člana 68. stav 2. Zakona o organizaciji organa uprave u Federaciji BiH ("Službene novine Federacije BiH", broj: 35/05) i Programa utroška sredstava Budžeta Zeničko-dobojskog kantona za podsticanje jesenje sjetve za 2022. godinu, broj: 02-11-4249/22 od 22.09.2022. godine, ministar Ministarstva za poljoprivredu, šumarstvo i vodoprivredu Zeničko-dobojskog kantona donosi:

## **U P U T S T V O**

### **o utrošku sredstava Budžeta Zeničko-dobojskog kantona za podsticanje jesenje sjetve za 2022. godinu**

Ovim Uputstvom propisuju se uslovi koje moraju ispuniti registrovane farme goveda na teritoriji Zeničko-dobojskog kantona (u daljem tekstu: Kanton) registrovane kao obrt za uzgoj goveda (proizvodnja svježeg kravljeg mlijeka), kao i pravna lica registrovana za tu vrstu djelatnosti (u daljem tekstu: Korisnici) za ostvarivanje prava na podršku za podsticanje jesenje sjetve u 2022 godini.

Ovim Uputstvom daje se podrška za zasijavanja žita ili krmnog bilja (minimalno 2 ha) kod poljoprivrednih proizvođača koji posjeduju registrovanu farmu goveda za uzgoj minimalno 8 muznih grla.

#### **1. OPĆE ODREDBE**

Pravo na ostvarenje podrški imaju Korisnici koji na teritoriji Kantona imaju registrovani obrt za proizvodnju svježeg kravljeg mlijeka, kao i druga pravna lica registrovana za tu vrstu djelatnosti.

Muzna grla moraju biti obilježena u skladu sa Pravilnikom o obilježavanju i kontroli kretanja životinja u Bosni i Hercegovini ("Službeni glasnik BiH", broj: 13/10, 79/10, 25/11 i 103/11), a za ista vlasnik mora imati pasoš izdat od strane Agencije za obilježavanje životinja iz kojeg mora biti vidljivo da su grla na dan podnošenja zahtjeva bila starija od 24 mjeseca.

Korisnici moraju biti upisani u Registar poljoprivrednih gazdinstava (RPG) ili Registar klijenata (RK) kod nadležne općinske/gradske službe prema mjestu prebivališta ili prema sjedišta i moraju ažurirati podatke za tekuću godinu do propisanog roka.

Ukoliko su Korisnici promijenili račun ili banku dužni su u ovo Ministarstvo dostaviti potvrdu za novi račun u roku od osam dana od objave ovog Uputstva na web stranici Kantona.

Novčanu podršku za podsticanje jesenje sjetve za 2022. godinu iz Budžeta Kantona, ne mogu ostvariti oni podnosioci zahtjeva koji prema raspoloživim podacima ovog Ministarstva nisu izmirili obaveze prema Zeničko-dobojskom kantonu.

Ukoliko postoje osnovane sumnje da postoje nepravilnosti, Ministarstvo zadržava pravo da izvrši poseban uviđaj i kontrolu. O provedenoj kontroli službenici će sačiniti zapisnik na mjestu proizvodnje, a rok u kojem se može sačiniti zapisnik u svrhu ove kontrole uključuje vremenski okvir do maksimalno jedne godine od dana donošenja odluke o odobravanju sredstava.

Druge vrste nadzora koje su izvan djelokruga poslova ovog organa ne podliježu ovim rokovima.

**Ukoliko Ministarstvo ili neki drugi nadležni organ utvrdi da je nakon odobravanja sredstava i/ili isplaćenih sredstava iz Budžeta Kantona, korisnik ostvario podršku za poljoprivrednu proizvodnju ili djelatnost na osnovu protuzakonitih radnji koje su naknadno ustanovljene ili suprotne odredbama ovoga Uputstva, uputit će prema Vladi Zeničko-dobojskog kantona prijedlog zaključka za povrat odobrenih i isplaćenih sredstava ili prijedlog zaključka o stavljanju van snage zaključka o odobrenim sredstvima sa zabranom ostvarivanja prava na novčana sredstva iz Budžeta Zeničko-dobojskog kantona za poticaje u poljoprivredi u narednih pet godina.**

## 2. POSEBNE ODREDBE

Podrška za podsticanje jesenje sjetve za 2022. godinu za ovu proizvodnju iznosi 90,00 KM/grlu, površina za obračun je 4 muzna grla/ha za zasijavanje žita ili krmnog bilja (minimalno 2 ha) kod poljoprivrednih proizvođača koji posjeduju registrovanu farmu goveda za uzgoj minimalno 8 muznih grla. Maksimalan iznos za isplatu iznosi 2.700,00 KM za jednog korisnika.

Obračun i isplata će se obaviti prema spiskovima Korisnika koji su ostvarili pravo na podršku u 2022. godini za ostvarenu proizvodnju za registrovane farme muznih grla (proizvodnja svježeg kravljeg mlijeka).

Ovo Uputstvo stupa na snagu danom objavljivanja na web stranici Zeničko-dobojskog kantona, [www.zdk.ba](http://www.zdk.ba).

Broj: 05-20-14124-1/22

Zenica, 28.09.2022. godine



MINISTAR

*Mirsad Hadžić*

Mirsad Hadžić